



Inatsisartunut ilaasortaq Niels Thomsen, Demokraatit

**§ 37 imm. 1 malillugu, tutunut piniarfissatut piffissaliussaq pillugu apeqqummut akissut**

Inatsisartut suleriaasaanni § 37 imm. 1 malillugu, sunngiffimmi piniartunut tutunniarnermi piffissaliussap sivikillineqarnera, tutut piniagaanerisa annertussusaat piniarfissatullu piffissaliussap nalilersoneqaqqissinnaanera pillugit Naalakkersuisunut apeqquteqarputit. Suliaq naalakkersuisoqarfinni akisassanngorlugu innersuunneqarsimavoq.

27. okt 2011  
Sagsnr. 2011-056971  
Dok. Nr. 751395

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl www.nanoq.gl

1. Suungiffimmi piniartartut tutunniarsinnaanerat ukiunut siuliinut sanilliullugu qaammammik ataatsimik sivikillineqarsimanera, naammattunik tuttoqannguatsiaraluartooq, sumik peqquteqarpa?

Aallaqqaasiullugu oqaatigineqassaaq, piniarnerup kalaallit kulturiannut pingaaruteqarluinnarneranut Naalakkersuisut isumaqataammata, ilisimaarilluarlugu amerlasuut tutunik umimmannillu piniarnerup aallartinnissaanut qilanaartartut. Taamaattumillu uumasunik taakkunannga piniarnerup aallartinnissaa allanngortinneqarsimangilaq, ukioq manna aamma 1. august aallartiffiusimammat. Piniarnerup aalajangiiffigineqannginerani, pisassiissutit piniarnermullu piffissaliussaq susasaqartunut tusarniutigineqarnikuuvoq. Tusarniaanermi akissutit ilagisimavaat, KNAPK-p sumiiffiit ilaanni sunngiffimmi piniartunut piniarfissatut piffissaliussat sivikillineqarnissaannik kissaataa, pingaartillugu salliutissimasara. Ukioq manna puisit amiinik tunisinermi tapit killeqarsimapput, soorlu aamma aningaasarsionermut pingaarutilinnik aalisarnermi pisassiissutit tamakkerneqariingikkunik tamakkerneqalerput. Inuussutissarsiutigalugu piniartut allatigut aningaasarsiorsinnaalersikkumallugit, Naalakkersuisut aalajangerput sunngiffimmi piniartut piniarsinnaanissaat qaammammik ataatsimik sivikilliniarlugu. Tamanna piniarnerup aallartinninnerani julimi nalunaarutigineqarpoq.

2. Naalakkersuisut isumaqataanerlutik, piniarneq ukiut siulitulli annertutigisariaqartooq, biologit innersuussinerat aamma taamatut nipeqarsimappat?

Piniarneq piujuaannartitsisumik ingerlakkumallugu, Naalakkersuisut biologit siunnersuisinerannik ikorfartorfeqarniartarput. Biologit siunnersuutaasa saniatigut, atuisut ilisimasaat Naalakkersuisunit tusaaniarneqartarput. Ilangullugu Naalakkersuisunit eqqumaffigineqartarpoq, sumiiffiit nunataasa *ivingartorpallaarfigineqassappata* uumasooqatigiinnut ataasiakkaanut sunniutigisinnaasai. Ilaatigut tamanna pissutigalugu tuttoqatigiiaat umimmaqatigiiaallu ataasiakkaat immikkut pisassiissutissiiiffigineqartarput piniarnissamullu piffissaliiffigineqartarlutik.

3. Naalackersuisut piniarsinnaanermut piffissaliussisimanermik aaliangersimaneq nalilersoqqikkusussanerlugu, biologit innersuussinerat imaassimassappat ukiut siulitulli piniartoqassasoq?

Ukiup siulianut sanilliullugu, 2011-1012-mi biologit siunnersuinerat allanngorsimanngilaq. Nunap immikkoortuini 2-mi 3-milu annertuumik piniartoqarnissaa suli innersuussutigineqarpoq. Novemberimili sunngiffimmi piniarneq, uumasooqassutsimik aqtusineranut sunniuteqarneq ajorpoq. "Piniarneq" atorlugu pisanik nalunaarutit naapertorlugit takuneqarsinnaavoq 2005-miit 2009-mut ukiakkut piniarnermi, sunngiffimmi piniartut piasisimasaat taamaallaat 0,9% -miit 2,8% -ip iluaniittut. Taamaalilluni sunngiffimmi piniartunut 2011-2012-mi piniarnissamut piffissaliussap sivikillinera, piniarnerup annertussusaata allanngortinniarnernik ersiutaanngilaq, inuussutissarsiutigaluguli piniartunik salliutitsinerulluni.

Kangerlussuarmi umimmappassuaqarnera apeqqutinnut tunngavilersuutigisat, naggataagut oqaaseqarfigissuara. Naalackersuisunit ilisimaarineqarluarpoq Kangerlussuarmi umimmaat amerlivallaalersimanagerat. Taamaattumillu umimmanniarnep pisariillisarnissaanik annertusarneqarnissaanillu kiguneqarumaartussanik suliniuteqartoqarpoq. Soorlu eqqaaneqarsinnaasoq umimmaat pillugit nalunaarutissap, unguisilluni piniarsinnaaneq inuussutissarsiutigalugu piniartunut ammaattussaagaa.

Taamaattumik takuneqarsinnaassaaq Naalackersuisut, biologit uumasooqassutsimik aqutsinissamik siunnersuinerannik akornusersuinngitsut. Piniarnikkut tamanna pisarmat. Naggataagut kaammattuutigissavara, piffissaliussat iluanni aasakkut ukiakkullu piniarneq sunngiffimmi piniartunit annertusarneqassasoq. Ilangullugu inuussutissarsiutigalugu piniartut pisassiissutigineqartut piasineqartalernissaanik suliniuteqassasut, igammik sumiiffinni ammasumik pisassiiviusuni.

Inussiarnersumik inuulluaqqusillunga  
Med venlig hilsen

Ane Hansen